

Morning Dogri (NSD) National News Bulletin 04-07-2025

आकाशवाणी

- प्रधानमंत्री नरेन्द्र मोदी होरें आखेआ ऐ जे त्रिनिदाद ते टोबैगो च भारती समुदास दा सफर, दलेरी दा प्रतीक ऐ। एह लोक छड़े विस्थापित नेई सगुआं शाश्वत सभ्यता दे संदेस—वाहक हे।
- सूचना ते प्रसारण मंत्रालय नै टीवी रेटिंग एजेंसिएं लेई टीआरपी बजारै गी खोलने सरबंधी नियमें च संशोधन दा प्रस्तास कीता ऐ।
- दिल्ली सरकारै ब्हाउ दे मय्यार सरबंधी प्रबंधन आयोग गी गुजारिश कीती ऐ जे ओह परानी गडिडएं लेई ईधन सरबंधी बंदिश गी हाल दी घड़ी हटाई देन।
- छत्तीसगढ़ सरकारै खासतौरा पर मती जनजातीय आबादी आहले सुरगुजा ते बस्तर खित्तें च 5 जहार शा मते मोबाईल टॉवर लाने दी योजना बनाई ऐ।
- अमरीकी कांग्रेस नै अमरीकी राष्ट्रपति डॉनल्ड ट्रम्प हुंदा मता चर्चा आहला व्यापक टैक्स ते खर्च विधेयक पास करी दित्ता ऐ।
- शतरंज च विश्व चैंपियन डी. गुकेश नै क्रोएशिया च ग्रैंड चैस टूस प्रतियोगिता दे रैपिड सैक्शन दे 6में राउंड च दुनिया दे नम्बर इक्क खड्गारी मैगनस कार्लसन गी हराई दित्ता ऐ।

<><><><><><>

PM-Trinidad Visit

प्रधानमंत्री नरेन्द्र मोदी होरें आखेआ ऐ जे त्रिनिदाद ते टोबैगो च भारतीय समुदाय दी यात्रा दलेरी कन्नै भरी दी ऐ। अज्ज बडलै त्रिनिदाद ते टोबैगो च भारतीय समुदाय गी संबोधत करदे होई आखेआ जे उंदे पूर्वज छड़े प्रवासी नेई हे, सगुआं इक शाश्वत सभ्यता दे संदेश वादक हे। प्रधानमंत्री होर जंदी रातीं अपने 6 देशें दे दौरे दे दुए गेड़ लेई त्रिनिदाद ते टोबैगो दे पोर्ट ऑफ स्पेन ब्हाई अड्डे उपपर त्रिनिदाद ते टोबैगो दे प्रधानमंत्री कमला प्रसाद बिसेसर होरें अपने मंत्रिमंडल दे सदस्यें कन्नै मोदी हुंदा भव्य सुआगत कीता।

प्रधानमंत्री दे रूपै च त्रिनिदाद ते टोबैगो दी एह पैहली यात्रा ऐ ते 1999 मगरा प्रधानमंत्री स्ता दी पैहली दपक्खी यात्रा ऐ। ग्लोबल दक्खन कन्नै भारत दे आपसी रिश्ते गी होर निगगर करने दे उद्देश्य कन्नै अपनी 5 मुलखें दी यात्रा दे अगले गेड़ च प्रधानमंत्री मोदी अर्जेनटीना दे राष्ट्रपति जैवियर माइली हुंदे साददे उप्पर अर्जेनटीना दा दौरा करगन। 4 ते 5 जुलाई गी होने आली एह मलाटी 57 बरे च कुसा भारतीय प्रधानमंत्री दी अर्जेनटीना दी पैहली दपक्खी यात्रा होग।

<><><><><><>

Ambesdor

ब्राजील च भारतीय राजदूत दिनेश भाटिया होरें आखेआ ऐ जे ब्रिक्स शिखर सम्मेलन ते प्रधानमंत्री नरेन्द्र मोदी हुंदी राजकीय यात्रा दरान महत्वपूर्ण मुद्दे उप्पर चर्चा होग। उनें आखेआ जे ब्रिक्स शिखर सम्मेलन 6 ते 7 जुलाई गी रियो-डी-जेनेरिया च होग ते एहदे मगरा 8 जुलाई गी महत्वपूर्ण मुद्दे उप्पर चर्चा होग। जेहदे च वैश्विक शासन सुधार, जलवायु परिवर्तन चुनौतिएं, एआई ते होर दुए मुद्दे पर चर्चा होग।

<><><><><><>

I&B

सूचना ते प्रसारण मंत्रालय नै टेलीवीजन रेटिंग अर्जेसिएं लेई 2014 च जारी नीति दिशा-निर्देशें च संशोधनद । प्रस्ताह कीता ऐ। प्रस्तावित मसौदे च मीडिया घराने लेई बंदिशालाए दे किश प्रावधानें गी हटाया गेआ ऐ तां जे देश च टेलीवीजन दर्शकें दी माप-प्रणाली गी लोकतांत्रिक ते आधुनिक बनाया जाई सकै। मजूदा समें च टी.वी रेटिंग प्रदान करने आले इक अर्जेसी ब्राडकास्ट ऑडियंस रिसर्च काँसल-बीएआरसी ऐ। प्रस्तावित संशोधनें दा उद्देश्य टी.वी रेटिंग दे क्षेत्र च केई अर्जेसिएं दे राएं निगगर प्रतिस्पर्धा गी बढ़ावा देना। नमीं तकनीक आहने ते चर्चा करी कनेक्टिड टी.वी प्लैटफार्म लेई होर मते बसाह भरोसे आला प्रतिनिधित्व डाटा प्रदान करने दी छूट देना ऐ।

<><><><><><>

Delhi Govt CAQM

दिल्ली सरकार नै वायु गुणवत्ता प्रबंधन आयोग गी गुजारिश कीती ऐ जे ओह तय समें अवधि पूरी करी चुकी दिएं गडिडएं गी ईंधन नेई देने दे फैसले पर हाल दी घड़ी रोक लाने पर बचार करै। दिल्ली दे पर्यावरण मंत्री मनजिंदर सिंह सिरसा होरें इस सरबंघै च आयोग गी चिट्ठी लिक्खी ऐ। उ'नें आखेआ जे दिल्ली सरकार राश्ट्री राजधानी दे पर्यावरण गी स्वच्छ करोग ते इत्थुं दिएं गडिडएं गी जब्त नेई होन देग। श्री सिरसा होरें आखेआ जे दिल्ली सरकारै आयोग गी अवगत करोआया ऐ जे नम्बर प्लेट दी पन्छान करने आहले जेहड़े आटोमैटिक कैमरे लाए गे न, ओह इक मजबूत प्रणाली नेई हैन, ते उ'दे कन्नै अजें बी केई चुनौतियां पेश आवा करदि'आं न।

<><><><><><>

Chattisgarh Mobile Towers

छत्तीसगढ़ सरकार जनजातीय समुदाय दी मती आबादी आहले सरगुजा ते बस्तर खित्तें च 5 ज्हार शा मते मोबाइल टावर लाने दी योजना बना रदी ऐ। मुख्यमंत्री विष्णु देव साय होरें अधिकारियें गी खास तौर पर बस्तर ते सरगुजा ज्नेह दूर-दरेडे इलाकें च मोबाइल टावर ते फाइबर ऑप्टिक नेटवर्क लाने च तेजी आहनने दा निर्देश दित्ता। रायपुर च कल राज्य दे इलेक्ट्रॉनिक्स ते सूचना टेक्नोलॉजी विभाग दी इक उच्ची सतह दी समीक्षा बैठक दे दरान एह निर्देश जारी कीते गे। मुख्यमंत्री होरें डिजिटल परिवर्तन लेई राज्य दी वचनबद्धता दी तसदीक कीती। श्री साय होरें इलेक्ट्रॉनिक्स ते सूचना टेक्नोलॉजी गी प्रधानमंत्री नरेंद्र मोदी हु'दी 'विकसित भारत 2047' दी रूपरेखा कन्नै जुड़े दे 'विकसित छत्तीसगढ़ 2047' दे विजन दा इक प्रमुख थम्म करार दित्ता। मुख्यमंत्री होरें आखेआ जे कुशल, पारदर्शी ते सुलभ शासन जकीनी बनाने लेई पूरे राज्य च डिजिटल बुनियादी ढांचे गी मजबूत करना जरूरी ऐ। उ'नें आखेआ जे "ई-डिस्ट्रिक्ट 2.0" दे तैहत सरकार अपनी मजूदा 85 ऑनलाइन सेवाएं दा विस्तार करोग ते तौले गै एहदे तैहत 250 ऑफलाइन सेवां शामिल कीतीआं जाडन। जेहदे'नै नागरिकें गी इ'नें प्रमुख योजनाएं ते सुविधाएं दा लाह घर बैठे दे गै मिली सकोग। मुख्यमंत्री होरें अधिकारियें गी डिजिटल विश्वसनीयता बधाने लेई राज्य डेटा सेंटर गी टियर-त्रै मानकें तोहड़ी दर्जा बधाने दा बी निर्देश दित्ता।

<><><><><><>

US Cong Bill

अमरीका दे राष्ट्रपति डॉनल्ड ट्रम्प हुंदा मती चर्चा आह्ला व्यापक टैक्स ते खर्च विधेयक जंदी रातीं पास होईं गेआ ऐ। इसी श्री ट्रम्प हुंदा एजेडे दी बड्डी जित्त दस्सेआ जा'रदा ऐ। कैपिटल हिल च जंदी रातीं हंगामेदार सत्र दे दरान, प्रतिनिधि सभा नै 218 चा 214 वोटें कन्नै विधेयक पास करी दित्ता। इसी मंगलवारें सीनेट च आम सैहमति कन्नै मंजूरी दित्ती गई। राष्ट्रपति ट्रम्प होरें रिपब्लिकन दे साददे आहली कांग्रेस गी इस बिल दा अखीरी रूप भेजने लेई 4 जुलाई तगर दा समें दित्ता हा, जिसी उ'नें कानून च दस्तख्त करने लेई बिग ब्यूटिफुल बिल आखियै संबोधित कीता ऐ। कांग्रेस दे बजट दफ्तर दे अंदाजे मूजब एह बिल अगले 10एं ब'रें च संघीय घाटे च 3 इशारिया 3 ट्रिलियन डॉलर जोड़ी सकदा ऐ ते लक्खां बद्धे लोकें गी सेहत सुविधाएं थमां वंचित करी सकदा ऐ। एह कनून खाद्य लाह ते सेहत दिक्खभाल च कटौती ते स्वच्छ ऊर्जा परियोजनाएं लेई टैक्स गी वापस लैने दे माध्यम कन्नै बचत करदा ऐ। ट्रम्प होरें आखेआ जे एह बिल अमरीका दी अर्थबवस्था गी नमीं ऊंचाई देग।

<><><><><><>

Putin

रूस दे राष्ट्रपति ब्लादिमीर पुतिन होरें आखेआ ऐ जे यूक्रेन दे खलाफ अभियान अदूं तगर जारी रौहग जदूं तगर सब्बने लक्ष्येंग ी हासल नेई कीता जंदा। पुतिन होरें कल अमरीका दे राष्ट्रपति डोनाल्ड ट्रंप हुंदा कन्ने फोन उप्पर गल्लबात दरान एह आखेआ। दवै लीडरें इक घेंटे तगर फोन उप्पर गल्लबात कीती। एहदे मगरा पत्रकारें गी जानकारी दिंदे होईं क्रेमलिन दे विदेश नीति सलाहकार दूरी उषा-कोवा होरें आखेआ जे मास्को मजूदा संघर्ष दा कूटनीतिक हल कड्डना जारी रखोग पर एहदी असल वजह गी अनदिक्खा नेई करोग। पुतिन होरें तकरीबन साढ़े 4 ब'रे थमां चला'रदे युद्ध गी खत्म करने लेई तौले तौले लाजमी युद्ध विराम दे ट्रंप हुंदा आह्वान गी अस्वीकार करी दित्ता हा।

<><><><><><>

Chess

शतरंज च विश्व चैंपियन डी. गुकेश नै क्रोएशिया च ग्रैंड चैस टूस प्रतियोगिता दे रैपिड सैक्शन दे 6में राउंड च दुनिया दे नम्बर इक्क खड्गदारी मैगनस कार्लसन गी हराई दित्ता ऐ। गुकेश नै एह्दे शा पैह्ले नार्वे शतरंज 2025 प्रतियोगिता च कार्सल गी हराया हा। लगातार 5मीं जित्त कन्नै ग्रैंड मोस्टर गुकेश प्रतियोगिता च 10 अंक हासल करियै बढ़त बनाई लैती ऐ।

<><><><><><>

Cricket

क्रिकेट च कप्तान शुभमन गिल नै इंग्लैंड च टैस्ट मैच च दोहरा शतक लाने आले पैह्ले भारतीय ते एशियाई कप्तान बनने दा इतिहास रची दित्ता ऐ। उनें कल रातीं बर्मिंनगम दे एजेबेस्टन च चला'रदे एंडरसन—तेंदुलकर ट्रॉफी दे दुए टैस्ट दे दुए दिन एह् उपलब्धि हासल कीती।

<><><><><><>